



Na osnovu člana 9. Zakona o Agenciji za bankarstvo Federacije Bosne i Hercegovine ("Službene novine Federacije BiH", broj 9/96, 27/98, 20/00, 45/00, 58/02, 13/03, 19/03, 47/06, 59/06, 48/08 i 34/12) i člana 18. Statuta Agencije za bankarstvo Federacije BiH ("Službene novine Federacije BiH", broj: 42/04), Upravni odbor Agencije za bankarstvo Federacije Bosne i Hercegovine, na sjednici održanoj dana 15.05.2012. godine, utvrdio je Prečišćeni tekst Odluke o utvrđivanju tarife naknada Agencije za bankarstvo Federacije Bosne i Hercegovine, kako slijedi

ODLUKA
O UTVRĐIVANJU TARIFE NAKNADA
AGENCIJE ZA BANKARSTVO FEDERACIJE
BOSNE I HERCEGOVINE
(Prečišćeni tekst)

Član 1.

Ovom odlukom se utvrđuje tarifa i način plaćanja naknada za izdavanje dozvola za osnivanje i rad banaka, nadzor rada banaka i druge poslove nadzora koje, u skladu sa zakonom i drugim propisima, vrši Agencija za bankarstvo Federacije Bosne i Hercegovine (u daljem tekstu: FBA).

Član 2.

- (1) Naknade za poslove iz ove odluke (u daljem tekstu: naknade) FBA naplaćuje u konvertibilnim markama (u daljem tekstu: KM) .
- (2) Naknade za poslove propisane ovom odlukom uplaćuju se na račun FBA.

Član 3.

- (1) Nadzorni odbor banke i direktor banke su odgovorni za uredno plaćanje naknade za nadzor rada banke i drugih poslova koje vrši FBA.
- (2) Upravni odbor, odnosno drugi odgovarajući organ i direktor drugog pravnog lica su odgovorni za plaćanje naknada za poslove koje tim drugim pravnim licima vrši FBA.

Član 4.

- (1) Naknade FBA naplaćuje, po pojedinim vrstama poslova, po slijedećoj tarifi:
 1. Naknade za izdavanje dozvola, saglasnosti, odobrenja i drugih akata FBA:
 - a) naknada za izdavanje dozvole za osnivanje i rad banaka iznosi KM 30.000,00 i uplaćuje se nakon prijema obavijesti FBA o pozitivnom rješenju podnesenog zahtjeva, a prije uručenja rješenja FBA;
 - b) naknada za izdavanje saglasnosti za statusnu promjenu banke iznosi KM 20.000,00 i uplaćuje se najkasnije 5 dana nakon dostave rješenja FBA;
 - c) naknada za izdavanje saglasnosti za sticanje više od 10% ukupnog broja glasova u skupštini banke iznosi KM 10.000,00 i uplaćuje se nakon prijema obavijesti FBA o pozitivnom rješenju podnesenog zahtjeva, a prije uručenja rješenja FBA;
 - d) naknada za izdavanje dozvole za otvaranje predstavništva strane banke iznosi KM 5.000,00 i uplaćuje se nakon prijema obavijesti FBA o pozitivnom rješenju podnesenog zahtjeva, a prije uručenja rješenja FBA;

- e) naknada za izdavanje saglasnosti za imenovanje direktora i članova uprave banke iznosi KM 5.000,00 i uplaćuje se najkasnije 5 dana nakon dana dostave saglasnosti FBA;
 - f) naknada za izdavanje drugih saglasnosti, odobrenja, mišljenja, potvrda i ovjera, te vršenje drugih poslova koje nisu decidno navedene u ovoj odluci iznosi KM od 200,00 do 3.000,00 i uplaćuje se prije uručenja odgovarajućeg rješenja odnosno akta FBA.
 - g) odobrenje za izbor nezavisnog vanjskog revizora ne naplaćuje se.
2. Naknada za nadzor rada banaka koju su dužni da uplaćuju sve banke u Federaciji Bosne i Hercegovine sastoji se od slijedećih elemenata:
- a) godišnjeg linearnog administrativnog dijela koji je jednak za sve banke u iznosu KM 20.000,00 koji se uplaćuje u jednakim tromjesečnim (kalendarski) obrocima najkasnije zadnjeg dana tekućeg tromjesečja za tekuće tromjesečje; i
 - b) tromjesečnog varijabilnog dijela u visini 0,15 promila (1 od hiljadu) dijela iznosa ukupne aktive bilansa stanja banke na zadnji dan prethodnog tromjesečja, koji se uplaćuje zajedno sa dijelom iz podtačke a) ove tačke. U svrhu ove odluke pod aktivom bilansa stanja banke se ne podrazumijeva dio aktive koji se po Zakonu o početnom bilansu stanja preduzeća i banaka prenosi u neutralni i pasivni podbilans.
- (2) Ukoliko višak prihoda nad rashodima prelazi 10% ukupnog prihoda FBA, Upravni odbor FBA može donijeti Odluku o povratu bankama dijela sredstava ostvarenih na osnovu uplaćenih naknada iz ove odluke.
- (3) Na zahtjev privremenog upravnika banke, FBA može izuzetno, osloboditi obaveze plaćanja naknada iz stava (1) tačke 2. ovog člana banke koje u postupku privremene uprave posluju sa gubitkom, a u kojima je postupak privremene uprave uveden na osnovu člana 53. tač. 2., 6. i 7. Zakona o bankama.
- (4) Odluku iz stava (3) ovog člana na prijedlog direktora, donosi Upravni odbor FBA.

Član 5.

Danom stupanja na snagu ove odluke prestaje da važi Odluka o utvrđivanju tarife po kojoj se naplaćuju naknade za izvršene usluge Agencije za bankarstvo Federacije Bosne i Hercegovine broj: UO-5/96 od 23.08.1996. godine.

Član 6.

Prečišćeni tekst Odluke o utvrđivanju tarife naknada Agencije za bankarstvo Federacije BiH sadrži: Odluku o utvrđivanju tarife naknada Agencije za bankarstvo Federacije BiH ("Službene novine Federacije BiH", broj: 37/98), Odluku o izmjenama i dopunama Odluke o utvrđivanju tarife naknada Agencije za bankarstvo Federacije BiH ("Službene novine Federacije BiH", broj: 5/99), Odluku o izmjenama i dopunama Odluke o utvrđivanju tarife naknada Agencije za bankarstvo Federacije BiH ("Službene novine Federacije BiH", broj: 59/06), Odluku o izmjenama i dopunama Odluke o utvrđivanju tarife naknada Agencije za bankarstvo Federacije BiH ("Službene novine Federacije BiH", broj: 10/07), Odluku o izmjenama i dopunama Odluke o utvrđivanju tarife naknada Agencije za bankarstvo Federacije BiH ("Službene novine Federacije BiH", broj: 46/11) i Odluku o izmjenama Odluke o utvrđivanju tarife naknada Agencije za bankarstvo Federacije BiH ("Službene novine Federacije BiH", broj: ___/12), u kojima je naznačen dan njihovog stupanja na snagu.

Član 7.

Prečišćeni tekst ove odluke objavljuje se u „Službenim novinama Federacije Bosne i Hercegovine“.

Broj: U.O. 40-9/12
Sarajevo, 15.05.2012.godine

PREDSJEDNIK
UPRAVNOG ODBORA

mr. sc. Haris Ihtijarević, dipl. ecc., s.r.